


REPUBLIKA E KOSOVËS
REPUBLIKA KOSOVA - REPUBLIC OF KOSOVA
KOMISIONI I PAVARUR I MEDIAVE
NEZAVISNA KOMISIJA ZA MEDIJE
INDEPENDENT MEDIA COMMISSION



Biznesi: "Kosovo News Network" SH.A.
NUI: 811444124
Pronari: Rizvan REXHAJ
OSHMA: ART
Adresa: Zona Industriale, Prishtinë

Biznesi: "Media Invest" SH.P.K.
NUI: 811405754
Kandidati: UNIVERSITETI AAB SH.P.K.
NUI: 810478299
Personi i autorizuar: Ilir TAFA
Adresa: Zona Industriale, Prishtinë

VENDIM

për ndryshimin e pronësisë dhe bartjen e licencës së OSHMA ART, ndryshimin e emrit nga ART në ATV si dhe ndryshimin e skemës programore – me seli në Komunën e Prishtinës

Fakte

1. Komisioni i Pavarur për Media (KPM), është organ i pavarur i cili është kompetent për rregullimin, menaxhimin dhe mbikëqyrjen e spektrit të frekuencave të transmetimit. KPM-ja rregullon të drejtat, detyrimet si dhe përgjegjësitë e personave fizik dhe juridik të cilët ofrojnë shërbimet mediale audio dhe audiovizuale.
2. ART është Ofrues i Shërbimeve Mediale Audiovizuale (OSHMA - TV), i cili është licencuar nga Komisioni i Pavarur për Media (KPM), për transmetimin e programeve televizive përmes sistemit të operatorëve të shpërndarjes. KPM, me datën 27 tetor 2010, ka marr vendim për dhënien e licencës për OSHMA ART, për një afat të licencës prej dhjetë (10) vitesh, ndërsa më datën 13 nëntor 2020, KPM ka marrë vendim për ripërtitjen e licencës edhe për një afatë prej dhjetë (10) viteve.
3. Me datën 9 nëntor 2020, OSHMA ART ka dorëzuar në Zyrën Ekzekutive të KPM-së një kërkesë, përmes së cilës ka kërkuar miratim e KPM-së për ndryshimin e pronësisë dhe bartjen e licencës nga biznesi "Kosovo News Network" SH.A. me Numër Unik Identifikues (NUI) 811444124 me pronar z. Rizvan Rexhaj, tek, biznesi "Media Invest"

SH.P.K me Numër Unik Identifikues 811405754 me pronar personin juridik UNIVERSITETI AAB SH.P.K., me Numër Unik Identifikues 810478299.


4. Me të njëjtin rastë është kërkuar miratimi i KPM-së edhe për ndryshimin e emrit nga OSHMA ART në OSHMA ATV si dhe ndryshimi i skemës programore.

Arsyetim

5. Neni 21, paragrafi 3 i Ligjit të KPM-së përcakton se: *“licencat nuk mundë të shfrytëzohen dhe bartën pa autorizim dhe pa aprovim paraprakë me shkrim të KPM-së”*.
6. Neni 15. pika 2. Paragrafi 1 i Kushteve dhe termeve të Përgjithshme të Licencës së KPM-së ka siguruar që: *“Për çdo ndryshim në pronësi që kap më shumë se 10% të aksioneve të interesave ose ato që kanë ndikim të theksuar në kontrollin e të Licencuarit, kërkohet paraprakisht aprovimi me shkrim nga ana e KPM-së”*
7. Neni 15.4 i Kushteve dhe termeve të Përgjithshme të Licencës së KPM-së ka siguruar që: *“KPM-ja do të lejojë transferimin e licencës vetëm kur sigurohet që personi fizik apo juridik, për të cilin propozohet që t’i transferohet licenca, i plotëson standardet e KPM-së për t’iu dhënë një licencë.”*
8. Me anë të kërkesë për ndryshimin e pronësisë së OSHMA ART, pronari aktual ka deklaruar se arsye për këtë ndryshim janë çështjet personale dhe financiare.
9. Komisioni konstaton se, kandidati i propozuar për pronar të ri ka shprehur gatishmëri që, ofrimin e shërbimeve mediale audiovizuale për publikun do të bëjë në pajtueshmëri me Ligjin dhe aktet nënligjore të KPM-së.
10. Komisioni konstaton se, kandidati për pronar të ri përmes një plani të biznesit lidhur me të hyrat, shpenzimet dhe profitin, ka paraparë investime në teknologjinë e transmetimit të OSHMA ART si dhe angazhim të një stafi profesional në mënyrë që programet e ofruara dhe transmetimi i tyre të jenë më kualitative, ndërsa sa i përket qëndrueshmërisë financiare kandidati për pronar ka bashkangjitur edhe dëshmi nga institucionet financiare.
11. Duke u bazuar në gatishmërinë e shprehur të kandidatit për pronar të ri, për të punuar në pajtim me Ligjin dhe aktet nënligjore të KPM-së, dëshmitë rreth qëndrueshmërisë financiare si dhe përvojën profesionale të kandidatit, Komisioni vlerëson se ndryshimi i pronësisë së OSHMA ART është në interes të publikut.
12. Komisioni konstaton se, ndryshimi i emrit të OSHMA ART në OSHMA ATV nuk do të paraqet pengesa apo konfuzion tek qytetaret gjatë përdorimit të tij në transmetimin e programeve televizive dhe si e tillë kërkesa i plotëson kushtet për miratim.
13. Komisioni vlerëson se, ndryshimi i skemës programore të OSHMA ART sipas dokumentit të skenës programore të propozuar dhe të bashkangjitur në kërkesë është në interes të publikut.
14. Komisioni vlerëson se, kërkesa është bërë në pajtim me procedurat e KPM-së, të bazuara në Ligjin dhe aktet nënligjore të KPM-së dhe si e tillë i plotëson kriteret për miratim.

Vendim

15. Komisioni, në takimin e tij të mbajtur me datën 15 dhjetor 2020, merr vendim për miratimin e kërkesës për ndryshimin e pronësisë dhe bartjen e licencës nga biznesi “Kosovo News Network” SH.A. me Numër Unik Identifikues (NUI) 811444124 me pronar z. Rizvan Rexhaj, tek, biznesi “Media Invest” SH.P.K me Numër Unik Identifikues 811405754 me pronar personin juridik UNIVERSITETI AAB SH.P.K., me Numër Unik Identifikues 810478299.
16. Komisioni, merr vendim që të miratoj kërkesën për ndryshim të emrit nga ART në **ATV**.
17. Komisioni, merr vendim që të miratoj kërkesën për ndryshimin e skemës programore sipas dokumentit të skemës programore të propozuar dhe të bashkangjitur në kërkesë.
18. Këtë vendim e lëshon Komisioni, dhe i njëjti hyn në fuqi nga data e nënshkrimit.



Xhevat LATIFI

Kryetar

Komisioni i Pavarur i Mediave



15.12.2020

datë